



Školski Muzej kreativnosti za mir

Članovi dramske sekcije "Prve osnovne škole" Donji Vakuf pokrenuli školski Muzej kreativnosti za mir u sklopu programa "Kreativnost za mir kojeg realizuju u sklopu projekta Muzeja ratnog djetinjstva i COI Step by Step



Od februara mjeseca 2025. i sve do januara 2026. godine trajat će realizacija programa "Kreativnost za mir" u okviru kojeg su učenici "Prve osnovne škole" Donji Vakuf uradili već desetak programskih aktivnosti kojima se promovišu mirovni procesi, edukacije i osmišljavanje ideja.

Nastavnica i učenici iz dramske sekcije i osmog razreda zajedno rade na što boljoj realizaciji svih zacrtanih ciljeva, a jedan od najinspirativnijih jeste i osmišljavanje školskog Muzeja za mir u kojem se prezentiraju za školsko okruženje i širu javnost urađene aktivnosti i artifakti vezani za ostvareno.

Do sad su u ovom divnom Muzeju postavljene dvije muzejske postavke i to "Gladno putovanje", "Grad riječi" i od 03.06. traje postavka "Vreće briga/tuge", po istoimenim aktivnostima predloženim za rad.

Svi tekstovi, crteži, scenografije i izgled Muzeja kreativnosti za mir su rezultati rada učenika na određenim temama u toku radionica realizovanih za vrijeme trajanja sekcije i ČOZ-a.

Trenutno učenici propituju



stereotipna ponašanja i čitaju priče iz Edukativnog resursnog centra Muzeja ratnog djetinjstva, te prate sadržaj nastale u saradnji sa COI Step by Stepom.

Ponosni su na činjenicu što je jako mnogo aktivnosti vezanih i za humanitarni karakter što je prilika da se učenici i stanovništvo u Donjem Vakufu motivira na ovakve i slične aktivnosti za djecu ovog grada.

Sad, nakon zanimljivog rada, slijedi zasluženi raspust, a onda od septembra učenici pripremaju nove aktivnosti i nove muzejske postavke na svoju i opću radost kvalitetnog i interesantnog odrastanja.

Ukoliko budete blizu naše škole, dođite da se inspirišete muzejskim postavkama i promišljate nove ideje kako obrazovanje učiniti lijepim i zanimljivim svima!

Collections

Objava